

**ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ
ՊԱՅՄԱՆԱԳԻՐ N 01/07/25**

ք. Երևան

04.07.2025

Հայաստանի բանկերի միություն ՀԿ-ն (այսուհետ՝ Պատվիրատու), ի դեմս նախագահի տեղակալ Ռուբեն Մելիքյանի, ով գործում է կանոնադրության հիման վրա, մի կողմից, և Վահե Պետրոսյանը (այսուհետ՝ Կատարող, նույնականացման քարտ՝ 005765524, տրված 10.03.2017, 004-ի կողմից), մյուս կողմից, (երկուսը միասին այսուհետ՝ Կողմեր, իսկ յուրաքանչյուրն առանձին՝ Կողմ), կնքեցին սույն պայմանագիրը հետևյալի մասին.

1. Պայմանագրի առարկան

- 1.1 Սույն պայմանագրով Կատարողը պարտավորվում է Պատվիրատուի հանձնարարությամբ մատուցել սույն պայմանագրի 1.2. կետում նշված ծառայությունը, իսկ Պատվիրատուն պարտավորվում է վճարել այդ ծառայությունների համար՝ սույն պայմանագրի 3-րդ կետով սահմանված կարգով:
- 1.2 Կատարողը պարտավորվում է Պատվիրատուին մատուցել հետևյալ ծառայությունը՝ անցկացնել «Բանկային Գործ» որակավորման ծրագրի շրջանակում դասընթաց (այսուհետ՝ Ծառայություն): Ծրագիրը շարունակական է լինելու:
- 1.3 Ծառայությունը մատուցվում է սույն պայմանագրի գործողության ընթացքում Կողմերի միջև նախապես պայմանավորված ժամանակացույցին համապատասխան:
- 1.4 Կատարողը պարտավորվում է դասընթացներն անցկացնել դասախոսություններով, ցուցադրումներով, ինտերակտիվ քննարկումներով, գործնական և թիմային աշխատանքներով, իրական կյանքում հանդիպող գործնական օրինակների, իրավիճակային վերլուծություններով:

2. Կողմերի իրավունքները և պարտավորությունները

2.1. Կատարողը պարտավոր է՝

- 2.1.1. Ծառայությունները մատուցել պատշաճ որակով և ամբողջ ծավալով՝ սույն պայմանագրի կնքման պահից մեկ ամսվա ընթացքում,
- 2.1.2. Պատվիրատուի պահանջով անհապաղ և անհատույց վերացնել հայտնաբերված բոլոր թերությունները,
- 2.1.3. Ծառայությունները մատուցել անձամբ,
- 2.1.4. Հաղորդակցել Պատվիրատուի կամ վերջինիս համապատասխան աշխատակիցների հետ՝ կապված սույն պայմանագրի հետ առաջացած բոլոր հարցերի դեպքում:

2.2. Կատարողն իրավունք ունի՝

2.2.1. Պատվիրատուի կողմից սույն պայմանագրի 3-րդ կետով սահմանված վճարման պայմանները խախտելու դեպքում՝ հրաժարվել սույն պայմանագրի կատարումից:

2.3. Պատվիրատուն իրավունք ունի՝

2.3.1. Ցանկացած ժամանակ ստուգել Կատարողի Ծառայությունների ընթացքը և որակը՝ առանց միջամտելու նրա գործունեությանը,

2.3.2. Ցանկացած ժամանակ հրաժարվել պայմանագիրը կատարելուց՝ Կատարողին վճարելով սահմանված գնի այն մասը, որը համապատասխանում է մինչև պայմանագրի կատարումից Պատվիրատուի հրաժարման մասին տեղեկություն ստանալը մատուցված Ծառայությունների չափին:

2.3.3. Պատվիրատուն պարտավոր է Ծառայությունների դիմաց վճարել սույն պայմանագրի 3-րդ կետում նշված գնին և կարգին համապատասխան:

3. Պայմանագրի գինը և հաշվարկների կարգը

3.1 Սույն պայմանագրով Ծառայությունների վարձատրումը կազմում է 15000 (տասնհինգ հազար) ՀՀ դրամ 1 (մեկ) ժամվա համար, որը ներառում է հարկերը և պարտադիր այլ վճարները:

3.2 Վճարումը կատարվում է Ծառայությունների հանձնման-ընդունման ակտը երկկողմանի ստորագրելուց հետո 10 (տաս) օրվա ընթացքում:

3.3 Սույն Պայմանագրի համաձայն բոլոր վճարումները ներառում են ՀՀ օրենսդրությամբ նախատեսված հարկերն ու այլ պարտադիր վճարումները և կատարվում են ՀՀ դրամով՝ բանկային փոխանցումով:

4. Անհաղթահարելի ուժի ազդեցությունը (ՖՈՐՍ – ՄԱԺՈՐ)

Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

5. Այլ պայմաններ

5.1 Սույն պայմանագիրը ուժի մեջ է մտնում ստորագրման պահից և գործում է 2025թ. հուլիսի 7-ից մինչև 2025թ. դեկտեմբերի 30-ը:

- 5.2 Սույն պայմանագիրը կարող է վաղաժամկետ դադարեցվել կողմերից յուրաքանչյուրի կողմից՝ այդ մասին մյուս կողմին 10 օր առաջ գրավոր ծանուցելով:
- 5.3 Սույն պայմանագրի բոլոր փոփոխությունները և լրացումները կատարվում են գրավոր՝ երկկողմանի ստորագրմամբ:
- 5.4 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերի լուծումը հանձնվում է դատարանի քննությանը:
- 5.5 Սույն պայմանագիրը կնքված է 2 (երկու) օրինակից՝ հայերեն լեզվով, որոնք ունեն հավասարազոր իրավաբանական ուժ: Յուրաքանչյուր կողմին տրվում է մեկական օրինակ:

6. Կողմերի հասցեները, բանկային վավերապայմանները և ստորագրությունները

Պատվիրատու՝

Հայաստանի բանկերի միություն ՀԿ
ՀՎՀՀ՝ 02516765
Բանկ՝ Արդշինբանկ ՓԲԸ
Հաշվեհամար՝ 2474604428140000
Հասցե՝ ՀՀ, ք. Երևան, Կորյունի 19ա
Հեռ.՝ +374 10 527731

Կատարող՝

Վահե Պետրոսյան
ՀԾՀ՝ 3408860424
Բանկ՝ "ԱյԴի բանկ" ՓԲԸ
Հաշվեհամար՝ 11800097728000
Հասցե՝ ք. Երևան, Բակունցի 2, բն 88
Հեռ.՝ +374 91 361155

Ռուբեն Մելիքյան
Նախագահի տեղակալ
Հայաստանի բանկերի միություն ՀԿ

Վահե Պետրոսյան
Դասընթացավար